

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), očitujući se po zahtjevu zastupnika Ive Tadića za naknadu štete na osobnom vozilu, Vlada Zeničko-dobojskog kantona, na 128. sjednici, održanoj dana 11.10.2013. godine, d o n o s i

ZAKLJUČAK

I.

Prihvata se Informacija Radne grupe sačinjena po zahtjevu Tadić Ive za naknadu štete na osobnom vozilu, a koja čini sastavni dio ovog zaključka.

II.

Ovlašćuje se Kantonalno pravobranilaštvo Zeničko-dobojskog kantona, da sa Tadić Ivom zaključi vansudsku nagodbu za isplatu naknade materijalne štete u iznosu od 6.305,82 KM (slovima šest hiljadatristotinepet i 82/100 konvertibilnih maraka).

III.

Obavezuje se Ministarstvo finansija da po izvršenom plaćanju naknade materijalne štete o istom odmah obavijesti Kantonalno pravobranilaštvo Zeničko-dobojskog kantona, zbog podnošenja regresne tužbe kod nadležnog suda prema licima koja su prouzrokovala štetu.

IV.

Zaključak stupa na snagu danom donošenja.

Broj: 02-_____ /13

Datum, 11.10.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Skupštinski zastupnik Tadić Iva,
- 1x Ministarstvo finansija,
- 1x Ministarstvo za pravosuđe i upravu,
- 1x Sekretarijat za zakonodavstvo,
- 1x Kantonalno pravobranilaštvo Zeničko-dobojskog kantona,
- 1x Stručna služba Vlade,
- 1x a/a.

ZENIČKO-DOBOJSKI KANTON
VLADA ZENIČKO-DOBOJSKOG KANTONA

PREDMET: Informacija-upoznavanje Vladi Zeničko-dobojskog kantona u vezi sa
Zaključkom, broj: 02-14-27990/12 od 20.12.2012. godine

Zaključkom, broj: 02-14-27990/12 od 20.12.2012. godine, donesenim na 94. sjednici Vlade Zeničko-dobojskog kantona, Vlada je formirala Radnu grupu u sastavu Ministarstvo za pravosuđe, Sekretarijat za zakonodavstvo, Stručna služba Vlade i Kantonalno pravobranilaštvo sa ciljem da sagleda zahtjev zastupnika Ive Tadića za naknadu štete na osobnom vozilu pričinjene eksplozivnom napravom, dana 11.04.2011. godine na parkingu „RMK prometa“ – sjedištu Kantona, za vrijeme održavanja sjednice Skupštine, te ustanovi pravni osnov i pripremi prijedlog o istom. Postupajući po navedenom Zaključku, Radna grupa je izvršila uvid u slijedeću dokumentaciju koja je bila u prilogu zahtjva imenovanog:

- Zahtjev za naknadu štete na osobnom vozilu poslanika Ive Tadića, marke „passat“, registarske oznake A18-J-420, a koja je nastala dan 11.04.2011. godine ispred zgrade Vlade i Skupštine nakon održane sjednice Skupštine Kantona;
- Zapisnik o utvrđivanju oštećenja na vozilu reg. broj A18-J-420, sačinjen od strane „Zovko osiguranje“ d.d. Žepče;
- Procjena popravke sa rekapitulacijom na iznos od 6.305,82 KM, sačinjena od strane „Zovko osiguranje“ d.d. Žepče;
- Mišljenje Kantonalnog pravobranilaštva Zenica, broj: M-91/12 od 10.12.2012. godine.

Na osnovu navedene dokumentacije Radna grupa je sačinila Informaciju 16.01.2013. godine i dostavila Vladi Kantona na razmatranje. Ovom Informacijom Radna grupa je konstatovala da je zahtjev Ive Tadića preuranjen i nepotpun jer osuđujuća presuda od strane Suda Bosne i Hercegovine protiv Zijada Derviševića i drugih za krivično djelo „terorizma“ iz člana 201. Krivičnog zakona Bosne i Hercegovine („Službeni glasnik BiH“, broj: 3/03, 32/03, 37/03, 54/04, 61/04, 30/05, 53/06, 55/06, 32/07 i 8/10) nije bila pravosnažna i da visina naknade materijalne štete, odnosno pričinjene materijalne štete na motornom vozilu Ive Tadića nije bio utvrđen od strane ovlaštenog servisa ili vještaka saobraćajne struke nego od osiguravajuće kuće „Zovko osiguranje“ d.d. Žepče kod koje je bilo osigurano vozilo. Razmatrajući ovakvu Informaciju, Vlada Kantona je na nastavku 97. sjednice, održanoj 07.02.2013. godine, donijela Zaključak, broj: 02-27-3571/13 od 07.02.2013. godine, kojim se Informacija Radne grupe vraća na doradu. Na osnovu ovako konstatiranog stanja u spisu, Iva Tadića je dopunio svoj zahtjev za naknadu materijalne štete dostavljajući Radnoj grupi Nalaz i mišljenje stalnog sudskog vještaka saobraćajne struke Almira Buljubašića i drugostepenu presudu Suda Bosne i Hercegovine, broj: S1 2 K 005666 13 Kžk od 18.06.2013. godine, prema kojoj su optuženi Dervišević Zijad, Sefer Amel i Bonić Saša proglašeni krivima u smislu da su počinili krivično djelo terorizma i osuđeni na izdržavanje zatvorske kazne. Na ovakvu Presudu Suda Bosne i Hercegovine nije dozvoljena žalba.

Članom 180. Zakona o obilgacionim odnosima (Posebni slučajevi odgovornosti) koji je propisao „da za štetu nastalu smrću, tjelesnom povredom ili oštećenjem odnosno uništenjem imovine fizičkog lica usljed akta nasilja ili terora kao i prilikom javnih demonstracija i manifestacija odgovara entitet čiji su organi po važećim propisima bili dužni spriječiti takvu štetu“, član 18. b) Ustava Zeničko-dobojskog kantona („Službene novine Federacije BiH“, broj: 7/96 „Službene novine Zeničko-dobojskog kantona“, broj: 1/96, 10/00, 8/04 i 10/04) i člana 2. Zakona o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 15/04, 11/05 i 9/09) daju pravni osnov za isplatu nastale materijalne štete na motornom vozilu poslanika Ive Tadića.

Prilog:

- Zaključak, broj: 02-14-27990/12 od 20.12.2012. godine;
- Zahtjev za naknadu štete Ive Tadića sa priložima;
- Zapisnik o utvrđivanju oštećenja na vozilu reg. broj A18-J-420, sačinjen od strane „Zovko osiguranje“ d.d. Žepče;
- Mišljenje Kantonalnog pravobranilaštva Zenica, broj: M-91/12 od 10.12.2012. godine;
- Presuda Suda Bosne i Hercegovine, broj: S1 2 K 005666 13 Kžk od 18.06.2013. godine
- Saobraćajno-tehničko vještačenje oštećenja na vozilu – vještak Almir Buljubašić.

Dostavljeno:

1x Premijeru Kantona
1x Stručna služba Vlade
1x a/a

Ministarstvo za pravosuđe

Broj: _____.
Datum, __.__.2013. godine

Sekretarijat za zakonodavstvo

Broj: _____.
Datum, __.__.2013. godine

Stručna služba Vlade

Broj: _____.
Datum, __.__.2013. godine

Kantonalno pravobranilaštvo

Broj: _____.
Datum, __.__.2013. godine